

四庫全書

子部

# 欽定四庫全書

子部

普濟方卷三百

三五

詳校官太醫院總糧

臣袁天錫

編修臣倉聖脈覆勘

總校官進士臣楊懋珩

校對官中書臣金光悌

謄錄監生臣胡金芝

欽定四庫全書

普濟方卷三百三

明 周王朱橚 撰

金瘡門

金瘡血不止

附論

夫血行脉中周行灌溉而無窮矣金刃所傷者深則其流湍激若海沸河決禦之至難要在杜其衝溢之勢外觀其形內訂其脉之如何若血出不斷其脉大止者為難治若血出不止前赤後黑或黃或白肌肉腐臭寒冷

喘急者亦為難治不可不察也 夫金瘡去血其人苦

渴然每忍之常令乾食并肥之物以止渴慎勿鹹食若  
多飲粥輩則血溢出殺人不可救也又忌憤怒大言笑  
思想陰陽行動作勞勿多食酸鹹飲酒熱羹臃輩皆使  
瘡痛腫發甚者即死瘡差後猶爾出百日半年乃稍常  
耳凡金瘡傷天顙眉角腦戶臂裏跳脉髀內陰股兩乳  
上下心為尾小腸及五臟六腑腧此皆是死處不可療  
也又破腦出血而不能言語兩眼直視咽中沸聲口急

唾出兩手妄舉亦皆死候不可療若腦出而無諸候者  
可療又瘡卒無汁者中風也瘡邊自出黃汁者中水也  
並欲作瘕候可急療又瘡卒無汁者中風也瘡邊自出  
黃汁者中水也不可止前赤後黑或白肌肉腐自寒冷  
堅急者其瘡難愈亦死也 口血出不止則用方中止  
血藥傳之如洗開後瘡孔大甚且先用降真香龍骨沒  
藥摻之肉即生上瘡孔須用油單貼待膿血汁出莫待  
敝塞如夏月用藥以薄荷葉貼瘡孔一日一度湯洗又

用藥摻如肉上滿瘡口用手搦不痛如好肉一般即用收瘡口藥傳上却莫貼待風稍瘡口立收若未生實肉切不可先收瘡口裏面恐為患也 夫金瘡血出不斷其脉大而止者三七日死金瘡血出不止前赤後黑或黃或白肌肉腐臭寒冷強急者其瘡雖愈亦難療也 夫金刃中於經絡者出血必多臟腑空虛津液竭少無血氣以榮養故須補之也

方

當歸散

一名內補散一名從蓉散出千金方

治金瘡出血多虛竭此藥

內補

當歸

剉微炒

芎藭

川椒

去目及閉口者微炒去汗

乾薑

炮製

白

芍藥

桂心

甘草

炙微赤剉

黃芩

吳茱萸

湯浸七遍焙乾

微炒

桑根白皮

剉各半兩

肉蓯蓉

四兩酒浸一宿剉去皴皮炙令乾

人參

去蘆頭

黃耆

剉

厚朴

去麤皮塗薑汁炙令香熟各二兩

右為細末每服以溫酒調下二錢日三四服一方有

白芨無黃芩桑根白皮

麻黃散

出聖濟  
總錄

治金瘡止血悶及疼痛

麻黃

去節  
兩半

甘草

炙

白芷

附子

炮製去  
皮臍

乾薑

炮

當

歸

切  
焙

續斷

黃芩

去黑  
心

芍藥

芎藭

桂

去麋皮  
各半兩

右為散每服二錢溫酒調下空腹日午夜各一服可

加至三錢

內補芎藭散

出聖  
惠方

治金瘡傷筋骨疼痛下血多食少

臟腑虛竭

芎藭

一兩  
半

熟乾地黄

當歸

剉微  
炒

白芍藥

肉蓯



蓉

酒浸一宿刮去皺皮  
炙乾用已上各一兩

蛇銜草

乾薑

炮裂剉  
各三分

續

斷

三

桂心

附子

炮裂去  
皮臍

細辛

各三  
分

右為細末每服不計時候以溫酒調下二錢

內塞散

亦名黃耆散  
出聖惠方

治金瘡去血多虛竭疼痛羸弱

內補

黃耆 當歸 芎藭 白芷 乾薑 黃芩 芍

藥

續斷

各二  
兩

附子

半

細辛

一

鹿茸

三  
兩

右治下篩先食酒服五分匕日三稍增至方寸匕一

方無芍藥

川大黃散

出聖惠方

治金瘡刀箭所傷血不止日夜疼痛

川大黃

剉生用

甘草

剉生用

甘菊花

旋覆花

檳榔

黃連

去鬚

白芷

蔓菁花

各一兩

黃蘗

剉五兩

桑根白

皮

剉二兩

右為細末傅之神效

蒲黃散

出聖濟總錄

治金瘡血出腹脹欲死

甘草

炙剉三分

黃耆

剉一兩

蒲黃

生乾地黄

焙各一兩半

當

歸

焙切

芎藭

白芷

續斷

各一兩

右為散每服三錢匕空心溫酒調下日三四服血化為水而下若口噤幹開口與之仍加大黃一兩半

龍骨散

出聖惠方

治金瘡出血不止

龍骨

烏樟根

各三兩

當歸

剉微炒

芎藭

續斷

熟

乾地黄

突厥白

各一兩

鹿茸

半兩去毛塗酥炙令微黃

右為末敷瘡上血即止如服即每服以溫酒調二錢

日三服

石灰散

出聖惠方

治金瘡血不止

石灰

二斗以小便浸五日細淘過

大麻心

桑葉

各五兩

檨葉

一兩

青蒿葉

半斤

刺薊

益母草

芸薹子

各六兩

右以端午日收採相和石灰內臼中杵令爛攤作片

曬乾要用即旋擣為散以傅瘡上一方無大麻心桑

葉檨葉

如神散

出王氏博濟方

治一切刀斧所傷血出不止并患惡

瘡

龍骨

研半兩

虎骨

炙研半兩

丹砂

研一錢

鉛丹

以火燒令通赤半兩

膩

粉

一錢麝香

研少許

乳香

一塊皂子大研

右研極細一切瘡以黃連湯或鹽湯洗拭乾摻藥在

瘡上不得以液露著瘡口

治金瘡出血不止方

川芎

續斷

熟地黄

各一兩

鹿茸

半兩塗酥去毛炙微黃

烏

樟根

三兩

突厥白

一兩

右搗為末傳瘡血即止如服溫酒調二錢日三服

雄黑豆散

出聖惠方

治金瘡疼痛血不止

雄黑豆

半升緊小者是也

黃葉

半升

芸薹子

桑根白皮

剉

烏賊魚骨

各四兩

黃連

去鬚

龍骨

各二兩

右為細末每用傳瘡上

治金瘡下血

出本草

以青黛摩傳之

治刀斧折傷生膚止血痛

出本草

以會州白藥為末傳瘡上藥如白飯出會州也

金傷散

出御藥院方

治金刃箭簇所傷血出不止及落馬

打傷內綻血出亦皆治之

白芨

白歛

乳香

各一兩

龍骨

半兩

黃丹

少許

石灰

半斤

遠年者佳

右為細末入黃丹有如淡紅色每用乾捻在患處上用軟紙更以絹帛裹護者忌風水乾痂為效

定血散

出楊氏家藏方

治一切刀傷血出不止收斂瘡口

天南星

生

槐花

炒黃

鬱金

上三味各四兩

半夏

二兩生用

沒藥

研別

乳香

另研各二錢半

右為細末以入沒藥乳香同研令勻如有傷處乾貼

瘡切忌水洗

治金瘡出血多虛竭內補

出千金方

當歸

三兩

乾薑

三分

芍藥

辛夷

各五分

甘草

二分

右治下篩酒服方寸匕日三夜一

沒藥散

出醫方大成

治箭傷止血定痛

定粉

一兩

枯白礬

三錢另研

沒藥

另研

風化石灰

乳香

別研



各一  
兩

右為末和勻摻上

當歸散 治金瘡去血多虛竭內補方

當歸

三兩

芍藥

細辛

各五分

乾薑

三分

甘草

二分

右為散以酒服方寸匕日三夜一忌海藻松菜生菜

黃連散

出聖濟  
總錄

治金刃所傷血出不止

黃連

去

檳榔

劉生  
用

木香

白芷

各半  
兩

右為散摻所傷處血即止效如婦人血暈以童子小

便調下一錢匕如臟毒瀉血以水煎服

刀箭藥

出聖濟總錄

治金瘡血不止

石灰

遠年船上者燒一兩

龍骨

研半兩

鉛丹

炒三錢

狗腦骨

燒灰半兩

右搗羅末傅瘡上

風化散

出聖濟總錄

治金瘡止血定痛

風化石灰

一升乾薑

三分生用

生栗子末

白藥

各五兩

右以端午日搗羅為末傅患處

雄糝散

出楊氏家藏方

治金瘡血出不止

雄黃

別研

乳香

別研

五倍末

膩粉

別研

右等分為末依瘡口大小摻之血出立止其瘡不許封即乾斂不痛一方有白礬

黑散子

出聖濟總錄

治金瘡止血

大黃

三兩半童子小便浸三日後用紙裹煨

巴豆

一兩半漿水浸炒令黃

半兩

錢

四十九文以鉄線繫燒紅以酒五升淬盡

羊脰炭

一握七莖米醋五升淬盡用之

右為細散隨傷損大小貼之疼痛立止疼無癰痕及能出箭頭止血大效婦人一切敗血極者可服一字

溫酒調下

神仙止血散

龍骨

一兩五  
色緊者

訶子

一兩

白石脂

半兩

苧麻葉

半兩  
像五月午時採

來陰  
乾者

右為細末水調服之如修合時不得令婦人雞犬見之

灰薤散 治金刃止血

新石灰 薤菜 苧麻葉 小奇花

右等分先搗三味爛汁着石灰再搗爛和成餅子亂草裏放起陰處用時碾碎末乾摻如神五月五日午時修合一方無小奇花

治金刃或打傷血出不止

出危氏方

降真香

末

五倍子

末

銅末

是削下鏡面銅於乳鉢內研細等分

右拌勻傳傷損處昔安豐手毆朱嵩碎首用此藥而愈

黃金散 治金刃傷止血定痛

鬱金 半夏

各一兩

風化石灰

四兩

右為末凡有損傷乾摻之

治刀箭傷血出不止并折骨

檳榔

一箇

木香

胡黃連

各二錢重

右為末傅瘡口上立止亦接得損骨傷中便貼之如

研下指血未定速將藥裹定便得却相連接

治金瘡血不止疼痛

生栗子

一升炒乾

乾薑

三分炮裂剉

白芨

五兩

右於端午日搗細為散瓷器中貯每用時於瘡上傳  
之止血止痛極效

治金瘡出血不止

出聖  
惠方

蒲黃

一斤當歸二  
兩

右治下節酒服方寸匕日三

桃紅散 治金瘡出血

石灰 升一大黃

四兩剉作  
散子塊

右同炒至石灰淡紅色去大黃用石灰加當歸海桐

皮為末傅之

南星散

出聖濟總錄

治刀刃所傷血出不止

天南星

三枚切焙

鉛丹

半錢

右為散乾貼立定

檳榔散

出聖濟總錄

治金瘡出血痛甚

方見金刃傷中筋骨類

桃紅散

出聖濟總錄

治金瘡或竹木所刺出血不止及疼

痛

乾葛粉

染胭脂

各一兩



右研細乾摻在瘡上又用青絹以鷄清塗絹可瘡口  
大小貼仍先用篋子按去血令藥與肉平方以青絹  
蘸鷄清貼之

石榴花散

出聖惠方

治金瘡傷破血流不止

石榴花

曝乾半兩一方用半斤

石灰

炒一升半一方炒一升

右為散取少許傳瘡上捺少時血斷便差

治金瘡血不止方

出千金方

煮桑根十沸服一升即止

又方

出千金方

搗車前汁傳之血即絕連根取用亦効

又方

用柳絮封之

又方

以蜘蛛幕貼之血即止

又方

出聖惠方

飲人尿五升愈

治金瘡血不止

取豉三升熟湯浸食頃絞去滓內蒲黃三合頓服之

葱白方

出朱氏  
集驗方

治金瘡定痛止血

以葱白煨爛乘熱縛定痛血自止葱冷再易後全無  
痕神効傷者亦可以煨葱晷之使活一方以葱葉汁  
取塗瘡上即止或用葱莖葉煨熟爛研罾傅之亦治  
金瘡水入鞍腫若為婦人所驚者取婦人中衣火炙  
令熟以熨瘡上 張氏經驗方二人云荆門軍點頭

錄石城鄉人戴堯臣作尉試馬被馬劣撈人於籬戴  
損大指甲離肉血淋將葱白煨爛乘熱縛痛與血隨  
止葱冷再易不復痛後亦無痕跡小木匠姓雷脚跟  
為斧所傷乘急用泥塞後攻注成腫發寒熱不可立  
遂剔去舊土令血再出却用煨葱白傳之不移時痛  
住血止推官宋琢定驗兩處殺傷氣偶未絕亟令取  
葱白鍋內炒熟以傳傷處繼而呻吟再易葱而傷者  
無事矣樂平人好鬪多傷樂平鮑宰每有殺傷公事

未暇詰問先將葱白傳傷損者活人甚衆大辟遂減  
傷損不必他求無葱處以葉亦可只要炒熟為上時  
易為佳若傷多煨炮不及但以乾鍋內且烙且杵令  
涎出葱熟用之為妙

如聖千金散

出衛生  
家寶方

治金瘡出血痛不可忍

海金砂

滑石

各半  
兩

生薑金

一分

右一處為末每服二錢用砂糖一塊新汲水調下不  
拘時候

治金瘡血不止

出儒門  
事親

用薇末貼之立止

治金瘡血出

用孩兒茶搗末傳之隨愈

治刀傷瘡血不止

取楊梅樹皮嚼極細盒刀瘡上立愈

治金瘡傷損血出

出百一  
選方

用生牛膽入石灰末後乾摻瘡即止以臈月牛膽入

風化石灰懸當風處佳候乾用

百草散

治金瘡止血

方見金刃所傷類

桑皮方

治金瘡止血

方見金刃所傷類

灰礪散

出聖濟總錄

治金瘡止血

用古窑石灰紫礪各半兩同為散傳之

灰彈散

治金瘡止血速差

方見金刃所傷類

治金瘡血不止兼痛方

出聖惠方

用麒麟竭末傳之止

治金中經脉傷皮及諸大脉血出多心血冷則殺人

出本

草

用炒鹽三撮酒調服之

治金瘡止血生肌及惡瘡入水並無妨絕妙人號為上

血竭也

出聖惠方

急刮真紫檀末傳之凡裹縛瘡用故布帛不寬不急如繫衣帶即好一方用降真香為末傳之亦佳

治金瘡止血止痛出刃方

出肘後方

用甌帶燒灰封之患處江南以蒲為甌帶取久者燒



灰入藥味辛溫無毒甑帶久被蒸氣故能散氣通氣

治金瘡血湧出

取月水衣炙熱熨之又燒末傅之

治金瘡血出不止

以篩過石灰用旋殺猪血就盆內攪勻捻作餅棧穿  
燉乾為末貼之

治刀箭瘡止血并痛方

出本草

用茅香花罍之良一方以白茅針生授傅瘡上

治金瘡生膚止血

出本草

以研合子搗碎傅瘡上又云昔漢高祖戰時用此傳

軍士金瘡故名研合子

旋復散

治金瘡止血

方見毒箭所傷類

葛根飲 治金瘡筋脉傷及諸大脉皆血出多不可止

血冷則殺人

方見箭鐵金刃入肉類

治金瘡血不止痛

出聖惠方

用白芍藥一兩熬令黃杵令細為散酒或米飲下二

錢並得初三服漸加一方為末傳之

治金瘡血流破血

出本草

用莧煮汁飲之良

治刀箭瘡有血不止方

以小兒屎塗封之三日即差並不傷人

五倍散

出聖濟總錄

治金瘡血不止亦治疳瘡

以五倍子生用為散乾貼血立止

治金瘡血不止疼痛

出聖惠方

以龍骨搗末細研傅瘡上

又方

出千金方

治金瘡血出不止

以人精塗之

神奇散

出聖濟總錄

治刀斧所傷并箭傷血出不止諸藥

貼不住者

麒麟竭

研

沒藥

研

自然銅

煨令紫

天南星

炮

乾薑

燒灰

鉛丹

炒黑

膩粉

瓦蘚

麝香

研少許

右為散拌勻每用藥貼瘡先以鹽水洗過燒葱研汁

塗瘡上然後乾摻藥貼之

治金瘡出血

出本草

用楮紙燒灰止之甚効

治金瘡止血

出本草

以地松按傳之

治刀箭傷止血

出本草

用白梅研傳之

芎藭散 治一切出血過多金瘡疼痛欲倒者

川芎

好者當歸

酒浸各等分

右咬咀白水煎服

救生丹

出衛生家寶方

治刀刃所傷出血不止及打撲傷損

及惡蟲所傷及發背瘡疽等疾無不効者

寒食麴

四兩及寒食日用水搜作餅陰乾

千口土

四兩即蟻穴土

土馬驢

四兩乃牆上長鬚青苔

蒿苳心

四十箇荆芥心

四十九箇若嫩小者則添一握

紇勒蔓心

四十箇雄黃

一兩水研飛過

乳香

一兩別研多為妙

右於五月五日午時修合用砂石搗盆內爛研令勻

凡作彈子大曝乾當風處用葛布袋盛掛起如治瘡  
及毒以一丸為率細研用新汲水調飲清者濃者用  
鷄鵝翎掃腫處欲散則遍掃欲聚則留頭繞乾再掃  
甚効如刀傷血出乾摻修合日忌雞犬婦人見

治刀斧傷

出衛生  
家寶方

黃連

一兩  
去鬚

檳榔

一分

石灰

一分  
細羅

臙茶末

一分

右為細末凡傷者不拘深淺乾傳用綿纏之血立止  
三日瘡口合不得用水與湯洗

軍中一捻金散

出永類  
鈴方

金櫻葉

二兩

桑葉

一兩

嫩苧葉

一兩

右搗爛傳若欲致遠陰乾作末傳上帛縛血止血合  
名草蝎經進方以五月五日或閉日收藥良

治金瘡犯房血出不止死急以湯泡綿帛搗瘡口令血

散四肢活仍服

出永類  
鈴方

川芎

當歸

人參

龍骨

等分止血  
住痛生血

煎前藥灌以蘇合香丸服



治金瘡或雜傷出血不止

出永類  
鈴方

用新頭等鈔角擘少許茸碎傅瘡口上

又方

出永類  
鈴方

嫩紫蘇葉和桑葉搗爛貼効

又方

出永類  
鈴方

次陳紫蘇葉蘸所出血按爛傅瘡口血不作膿甚効

仍且愈後無痕

治金刃及雜傷血出不止

出永類  
鈴方

用降真末五倍子末鏡面上削下銅末細研等分傳傷處

治金瘡止血

出本草

用花乳石刮末傳之即合仍不作膿潰

治金瘡下血不止

出本草

取壁錢蟲汁點瘡上或搗爛傳瘡上

治金瘡止血

出本草

以小蘗絞取汁服

治金瘡血不止

出本草

用小薊葉按封之

治金瘡傷刺血不止

用葛葉按傳之甚効

金瘡內漏血不出

附論

夫金瘡通內血者為內漏兩脇脹不能食者死瘀血搏在於內腹脹脉牢大者生其脉沉者死也

方

治金瘡內痛方

蜜蟲散

出聖惠方

桃仁

一兩湯浸去皮尖雙仁麩炒微黃

桂心

一兩半

川大黃

二兩剉碎微炒

水蛭

三十箇微炒

蜜蟲

三十枚去足微炒

右為細末每服二錢童子小便一中盞煎至五分溫日五服夜三服如無童子小便酒并水代之服訖後以胡粉散傳之

胡粉散

出聖惠方

治金瘡漏血

胡粉

二兩

乾薑

一分

生薑

二分陰乾去皮

右為末傳瘡上一方生栗子陰乾去殼不用生薑

治金瘡內漏方

出千金方

還自取瘡中血著杯中水和服

之

蒲黃

二兩

麻勃

一兩用七月七日採者

右酒服一錢七日三服夜二

又方

出聖惠方

蝨蟲

一兩炒令微黃

牡丹

二兩

右為細末每服食前以溫酒調下二錢日四五服

治金瘡內漏血不出方

出聖惠方

用牡丹皮為散水服三指撮立尿出血或溫酒調下亦得又服蒲黃一方寸匕血立下

治金瘡內漏

出肘後方

還自取瘡中血著杯中水和服之愈又以器貯湯熨腹令熱達則內消

雄黃散

出肘後方

治金瘡血內漏

以雄黃末如大豆內瘡中傅之亦得一方治卒中鬼

擊及刀兵所傷血漏腹中不出煩滿欲絕酒服五錢  
七血皆化為水卒以小便服之

治金瘡出血內漏

用蝙蝠二枚燒煙盡末以水調服方寸匕令一日服  
盡當下如水血消也

治金瘡內漏血在腹不出

出聖  
惠方

取猪膏苒搗傳之斷血生肉除痛消浮腫或作湯浸  
漬避風並効

又方

出聖惠方

以馬齒莧傳汁每服煖飲一小盞即止兼治惡血在

腹中

又方

出聖惠方

以質汗末傳之及用熟艾麝香末等分傳之亦佳

治諸瘡傷瘀血不散

以五六月收野苧蘇葉搗爛金瘡上如瘀血在腹用順流水搗爛服即通血皆化水以死猪血試之可驗



秋月恐無葉早收

二物湯 治金瘡腹中瘀血

大麻子

升二

大蔥白

二七莖

右使數人各搗令熟着九升水煮一升半頓服若血出不盡腹中有膿血更服當吐膿血

金瘡煩悶及發渴

附論

夫金瘡煩悶者以血出太甚經絡空虛而發熱躁也經所謂陰虛生內熱陽虛生外寒者如此其有發渴者亦

以經絡乏竭津液枯燥故欲引飲

方

藿麥散 治金瘡煩悶及渴內補

藿麥穗 芍藥 細辛去苗葉 桔梗炒 芎藭 當

歸

焙切

甘草

剉

乾姜

炮

熟乾地黄

焙

防風

去

續斷

人參

蜀椒

去目并開口者炒出汗

辛夷

去毛

牡蠣

煨

栝蒌根

白欬

各半兩

桂

去粗皮

厚朴

去粗皮生薑汁炙各一兩

右為散每服二錢匕熟水調下空心日午臨卧半夜

各一服筋骨斷者加續斷三分

生乾地黄散 治金瘡煩悶

生乾地黄

甘草

炙微赤劉

白芷

當歸

劉微炒

續斷

桃仁

湯浸去皮尖雙仁麩炒微黃

羚羊角屑

黃芩

赤芍藥

各一兩

芎藭

桂心

各三分

右為細末每服以溫酒調下二錢日四五服

白薇散 治金瘡煩悶疼痛不止

白薇 括萎

枳實

去穰麩炒

辛夷

去毛

甘草

炙劉

石膏

研如

粉各一兩 厚朴去粗皮生薑汁炙 酸棗仁炒各半兩

右為散每服二錢匕溫酒調下空心日午臨卧半夜各一服

白薇散 治金瘡煩悶不得眠卧疼痛

白薇 菰蔞根 枳實麴炒黃 辛夷仁 甘草炙微赤剉

赤芍藥各一兩 酸棗仁二兩微炒

右為細末每服以溫酒下二錢日四五服

消石散 治金瘡煩悶欲死大小便不通

消石煉 寒水石研 枯婁根 澤瀉 白斂 芍藥

各一兩

右為散每服二錢匕溫水調下空心日午臨卧各一服

地骨皮散 治金瘡煩渴悶亂頭痛

地骨皮 黃連去鬚 麥門冬去心 甘草炙微赤剉 生乾地黄

各一兩 石膏二兩

右為細末每服四錢以水一中盞煎至六分去滓溫

服日四五服

白芷散 治金瘡煩悶

白芷 甘草

芎藭

各一兩

右細剉炒變色搗散每服一錢匕熱水調空心日午  
臨卧半夜各一服

酸棗仁散 治金瘡煩悶

酸棗仁

微炒

芎藭

甘草

炙微赤剉各二兩

右為細末每服用溫水調下二錢日四服

大黃丸 治金瘡煩悶疼痛大便秘利

川大黃

三兩蒸  
三度

桃仁

一兩湯浸去皮  
尖雙仁微炒

枳殼

一兩麩  
炒微黃

去  
穰

右為末煉蜜和丸如梧桐子大每服溫酒下三十丸  
日三服以利為度

治金瘡煩痛大便秘利

大黃 黃芩

各等  
分

右為末蜜和丸如梧桐子大先食服十九日三

石膏散 治金瘡煩悶止煩

石膏

研

甘草

剉各二兩

右為散每服二錢匕溫熟水調下空心日午臨卧半夜各一服

治金瘡煩痛

出千金方

用赤小豆一升以苦酒漬之熬令燥復漬滿二日令色黑服方寸匕日三

磁石散

出聖惠方

治金瘡煩痛



用磁石搗羅重研五兩為細散量瘡大小以意傳之

止痛斷血

秦龜飲 治中刀箭悶絕

方見毒箭所傷類

琥珀散

出聖惠方

治金瘡弓弩箭中悶絕無所識

用琥珀研如粉以童子小便調一錢三服瘥高祖時

寧州貢琥珀枕碎以賜軍士傳金瘡

蒲黃散

出危氏方

治打撲傷金瘡悶絕

用蒲黃不以多少為末熟酒灌下

治金瘡煩滿心悶方

出聖惠方

用赤小豆一升以生地黄汁漬之熬燥復漬滿三日

候乾為末每服以溫酒調下二錢日四五服

又方

出聖惠方

用茅根搗絞取汁和酒各一中盞分煖三服

生地黄汁方

出肘後方

治金瘡腹中血留滯滿悶心煩方

用生地黄搗取汁一升川芒消一兩半相和攪令勻不

計時候煖服一小盞

金瘡中風水及瘕

附論

夫金瘡中風水者以封裹不密所致也中風之候其瘡  
卒無汁中水之候則黃汁而又疼痛發作肌肉腫靱將  
為瘕狀可急治之凡瘕狀口急背直搖頭馬鳴腰為反折  
須臾十發氣息如絕汗出如雨治不可緩緩則不救矣  
夫金瘡風瘕者此由血脉虛竭飲食未復榮衛傷損  
風邪乘虛入於五臟五臟受寒則令瘕也其狀口急背  
直搖頭馬鳴腰為反折須臾大發氣息如絕汗出如雨

不及時救者皆難療也凡金瘡卒無汗者中風也瘡邊自出黃汁者中水也並欲作瘰癧急治之又痛不在瘡處者傷經絡亦死爾

方

續斷散

出千金方

治金瘡中風瘰癧筋骨疼痛

續斷

蛇啣草

各二兩

地榆

剉

當歸

剉微炒

細辛

乾

薑

炮製剉

桂心

熟乾地黄

附子

炮製去皮臍

人參

去蘆

頭

芎藭

甘草

炙微赤剉各一兩

赤芍藥

一兩半

肉蓯蓉

一兩

半酒浸一宿刮川椒三分去目及閉口者微炒去汗

右為細末每服不計時候以溫酒調下二錢

療金瘡已中水及惡露風寒腫痛

出肘後方

以鹽數合急抑著瘡上以火炙之令熱透瘡中畢以臘月竹管插熱灰中令烱以滴入瘡中即愈若無鹽用薤白亦良一方治金瘡中風用煎鹽令熱以匙抄瀝取水熱洗瘡上冷更著一日許勿住取差為度

又方

出聖惠方

以桑灰汁溫之以漬瘡良大治金瘡止痛以灰傅瘡

上尤妙

赤箭散

出聖惠方

治金瘡中風瘳口噤不語

赤箭

一兩桂心

防風

去蘆

巴豆

去皮心

研紙裹

吳茱

莢

半兩湯浸七遍焙乾微炒

附子

三分炮製去皮臍

乾蝎

半兩生用

右為末用醞醋三升熬成膏可丸即丸梧桐子大每

服不計時候以熱葱酒下三丸服後汗出為効

蛇啣草散

出聖惠方

治金瘡中風瘳內傷疼痛

蛇啣草

甘草

炙微赤判

芎藭

白芷

當歸

剉微炒

川

烏頭

炮製去皮臍已上各三分

續斷

獨活

澤蘭

桂心

各一

兩

右為細末不計時候每服以溫酒調下二錢

虎骨散

出聖惠方

治金瘡中風痙肢節筋脉拘急

虎脛骨

一兩塗酥炙令黃

黑豆

五合松脂二兩

桂心

三分桃仁一兩

湯浸去皮尖雙仁麩炒微黃

敗龜

一兩塗酥炙令黃

當歸

一兩剉微炒

芎藭

一兩乾蝎

一兩微炒

右先將松脂并黑豆炒令熟後和諸藥搗細羅為散  
每服不計時候以溫酒調下二錢

八仙散

治金瘡辟風水續筋骨止血傳之

一名石  
灰散

石灰

風化者  
十兩

地松苗

新者切  
研半兩

細辛

去苗  
葉

旋覆根

研切

新葛葉

切研無即  
用葛粉

青蒿

新者  
研切

麥門冬苗

各半  
兩

猪膏

去筋膜

半斤

右除石灰猪膏外將六味擣研絞取汁和石灰并猪  
脂搜研作餅子曝乾搗羅為散再研之如粉以傳瘡



口上止血定痛生肌五月五日合之一方加莓苗汁

苦瓠散 治金瘡中風水腫疼痛不止

苦瓠

一兩

蛇脫皮

半兩 微炙

黑豆

半升 炒 熱去皮

露蜂房

半兩 微炙

梁

上塵

一合

右為細末以粥和調貼瘡上日三易之

芎藭湯 治金瘡中風疼痛不可忍

芎藭

防風

去

羌活

去蘆頭 各一兩

甘草

炙三

當歸

焙一兩

右咬咀如麻豆大每服六錢匕水二盞煎至一盞去

滓熱服蓋覆出汗若不汗加麻黃去粗皮三分去節  
一兩桂湯成又加竹瀝半合

白石脂散 治金瘡中風水久不成痂者

白石脂 烏賊魚骨 檳榔

各一兩

右為細末時摻瘡中以成痂為度

治金瘡中風水腫毒方

葦灰

一升 烏賊魚骨

白龍骨

各三兩  
燒赤

右細研傳於瘡上其水即自然出傳之三五四度水盡

腫消即用酥調烏賊魚骨末塗之甚良

豆淋酒 治因金瘡中風反強者

雞屎白

合一大豆六

右炒豆令焦黑次入雞屎白同炒乘熱瀉於三升酒中  
密蓋良久濾去滓每服五合如人行五里再服汗出佳  
未瘥即更服之以汗為度服後宜喫熟生薑稀粥投之

當歸散

方見金刃所傷類

治金瘡辟風止痛

塗封方 治金瘡中風角弓反張

生雞子

一枚

烏麻油

三兩

右先將雞子打破與麻油和煎稍稠冷即塗瘡上封之  
治金瘡中風瘕欲死者及諸脉皆血出不可止血冷則殺人  
用生葛根一斤剉碎以水五升煮取三升去滓每服  
熱服一小盞日三四服若乾者搗末溫酒服三指撮  
若口噤不開但多服竹瀝即止

瓠蘆方 療金瘡得風身體瘕強口噤不能語或因被  
打而得及斧刀所傷得風臨死服此並瘥

取未開瓠蘆一枚長柄者開其口隨瘡大小開之令瘡相當可繞四邊閉塞勿使通氣上復開一孔如筵口取浮麻子燭兩條並熏瓠蘆向上燭盡更續燭熏之不過半日即瘥若不止亦可經一兩日熏之以瘥為度若燭長不得內瓠蘆可中折用之

葱白方

治金瘡水入鞞腫

方見本門金瘡血不止類

胡粉膏

治金瘡中風寒水腫

胡粉

炭火

各半兩

右以猪膏量藥調和塗瘡孔上出水便瘥

治外風入瘡口腫痛

全蝎

一箇

白僵蚕

三箇

去絲

蟬蛻

三箇

右為末搗生葱自然汁調塗自愈

治金瘡中風水刺痛方

葱

一握

鹽

一合

右以水三升煮數沸漬瘡即止

浸酒方 治金瘡中風瘕

用雞屎白三升炒黃以生絹盛入瓷瓶中與酒六升  
火煨浸半日去滓溫服五合日三夜一併取莖若根  
搗作餅子當瘡上安著以炙上熱微黃水出取瘡  
必効酒 治金瘡中風角弓反張者

用蒜擘破去心頂一升以無灰酒四升煮爛并滓每  
服五合頓服之須臾得汗即瘥

治金瘡浸酒方 或擊破等瘡中風口閉牙噤身強欲死  
用雀糞炒研半合以酒七合煮五合濾去滓令溫頓

腹中轉動即愈若不能開口斡開灌之

杏仁酒摩方 治金瘡中風角弓反張者

用杏仁碎研生用不去皮尖三斤蒸令一炊久更研  
令極細入酒三升絞取汁每服五合日二夜一汗出即  
愈慎外風兼將杏仁酒汁摩瘡上一方不用酒亦得  
豆淋酒 治金刃傷破見骨中風口噤宜用大豆炒半熟  
五升粗搗篩蒸一饅頃傾盆中以酒一斗五升淋之絞去滓每  
服五七合日二夜一俟汗出研生杏仁膏傅之若腦髓出者難救



又方 治金瘡因風水腫

取蠟不計多少鎔了入鹽少許滴在瘡中大驗或先以鹽罨痛上後鎔蠟令冷熱得所灌瘡中亦可

又方

出聖濟總錄

取鹿角不限多少燒末細研以臘月豬脂和塗之久不差者不過五七日差

椒罨方 治金瘡中風

用蜀椒生完者去目三兩量瘡口大小用麪作餛飩

煆灰中炮令熟及熱開一孔當瘡上罨之却引風出  
可作數十枚更番用之溫冷即換

蔓青子方 治因金瘡中風口噤不能語

用蔓菁子淨洗一升搗極爛捏為炷灸瘡上熱徹即  
差

莨菪根方 治金瘡中風搐搦角弓反張

用莨菪根量瘡大小截令平如無大者並縛數根以  
稱瘡為度別以豬脂一合鹽末一撮許相和熱煎令

如雞子膏將葭蓍根平處蘸膏溫坐瘡上冷即易之  
以差即止宜避外風

牛膝膏

治金瘡因風水腫

方見箭鏃金刃入肉類

治暴風口噤金瘡

用垣衣酒漬服之効

麻根飲

治金瘡中風骨痛不可忍

用大麻根葉無問多少搗研絞取汁飲三合至四合  
無青者以乾者煎取汁服亦主墮墜打損有瘀血在

心腹令人脹滿短氣並宜服之

黍藶方

出聖惠方

治金瘡腫痛因中水及中風仍衝寒露

濕氣其腫入腹則殺人宜熏之或中狐尿刺

取黍藶并馬牛乾糞及桑條輩多烟之物於坑都燒令烟出乃以板蓋坑上開板作小孔以瘡口痛處安孔上熏之令瘡上出汗乃瘥

鹽韭傳方

出聖惠方

治金瘡因風水腫

取韭并鹽搗各等分置瘡以火炙藥上熱徹即愈

又方

取櫟木根皮三斤細剉用水二斗煮沸內鹽一合時以漬瘡腫膿血當出便差

又方

取白茅根不限多少燒為灰湯和傅瘡上取差一方治金瘡止血煮汁服之

艾葉方 治金瘡中風掣痛不仁不隨

用艾葉生熟者令揉團得所內瓦甑中塞諸孔獨留

一目以通氣薰蒸患處良久身體自知立愈

治八九月刺手足金瘡及諸瘡中寒露水冷毒皆殺人  
用生苦竹桑枝兩條惟得一物鬱著火中為推引之  
令極熱斫斷之以頭炷瘡口中熱氣盡更易一枚盡  
此二枚則瘡當爛乃取薤白搗以綿裹著熱灰中使  
極熱去綿以薤白傳瘡上布帛急裹之

治金瘡中風口噤欲死

出本草

用竹瀝半大升微微煖服之

金瘡止痛生肌

附論

夫金瘡者乃肌膚之損要害甚重不可不療若不急治  
歛合瘡口潰去膿血以生肌肉日久必為風水所害愈  
難治矣

方

龍骨散 治金瘡刀箭傷生肌長肉定痛止血諸瘡歛  
口

龍骨 寒水石 滑石 枯礬 乳香 沒藥

輕粉

些少

黃丹

炒各半分

右為細末每要乾摻外用膏藥貼之効

止血生肌方

蘼蕪 葛葉 鹿活草 槲葉 芍藥 地黃

蒼耳 青蒿

以五月五日採取陳石灰為團曝乾碾為細末摻於患處

金傷散

治刀鎌斧傷辟風止痛生肌



白芨二兩 龍骨 白附子 天南星各一兩 黃丹 桑

白皮各二兩 陳石灰二兩風化

右為細末每用乾貼之

地黃膏

一名生肌膏  
出聖惠方

治金瘡火瘡灸瘡不能瘥者

松脂 杏仁

蠟各二兩

薰陸香二兩

生地黄

切一升  
搗絞取

汁三合

石鹽

一兩研  
如粉

羊腎脂

五合  
煎

烏麻油

二升

右先下蠟微火令消次內羊脂消次下油次下松脂  
令消次下杏仁次下薰陸次下地黄汁次下石鹽以

微火煎令地黄汁水氣盡以綿漚停凝一切諸瘡初傷皆用傅之日三夜二慎生冷猪雞魚肉一方加蜜二兩此膏治瘡法先去惡肉不著痂先從內瘡乃至平復無痂不畏風不膿水大要妙

地黄散

亦名石灰散  
出聖惠方

治金瘡止血除疼痛辟風續筋

骨生肌肉

地黄苗 地松 青蒿 蒼耳苗 生艾汁

三合赤

芍藥

各五兩八  
水取汁

石灰

三升

右五月五七月七午時修合以前藥汁拌石灰陰乾  
入黃丹三兩更杵羅細凡有金瘡傷折出血用藥封  
包不可動着十日差不腫不膿

地榆散

出聖惠方

療金瘡內塞止痛

地榆根

白欬

各二分

當歸

四分

芍藥

白芷

芍藥

各三分  
附子

一分炮

右搗散以酒飲服方寸匕日三服忌猪肉冷水

治金瘡內塞逐痛方

黃芩

當歸

各三兩

甘草

炙一兩

細辛

烏頭

炮各二兩

乾

薑

一兩

白芷

四兩

右搗篩以酒飲服一錢匕日三可至二錢匕忌生菜

海藻松菜猪肉冷水等

牛膝散

出危氏方

治金刃箭鏃傳瘡口兼能生肉

降真香

牛膝

石灰

人骨

醋炒

真龍骨

老松

皮

各一兩

右用黃牛膽一枚將小竹管插膽中以石灰末從管

中入膽內掛高處日乾要用刀破開同諸藥為末傳  
瘡口中不痛自愈

### 完肌散

陳石灰

二兩

麝香

一錢  
另研

黃丹

半兩

桑白皮

新者

蜜陀僧

龍骨

各四兩

右為細末乾摻之

雙金散

出楊氏  
家藏方

傳貼金瘡斂口定痛生肌

乳香

半兩  
研

檳榔

黃連

黃丹

飛

龍骨

訶子

去核

煑各

一兩

右為細末乾貼瘡口

三白膏

出聖惠方

治金瘡生肌

白芨 白歛

甘草

生用各半兩

白芷

熟乾地黄

各三

分猪脂半斤煉了者

右為細末入猪脂內熬成膏候冷日三四度塗之

生肌膏

出聖惠方

治金瘡兼治一切打損瘡

白芍藥

薰陸香

胡粉

乾薑

炮製各一兩

油

四兩蠟

二 兩

右為細末以油蠟相和煎如膏用貼瘡上日二換之

止血收瘡口方

出危氏方

白膠香

主接筋

老松皮

白芷

龍骨

血竭

各一兩

右為末傳之如瘡大者以燈心蘸入孔中

止血收瘡口

出鮑氏方

土朱

二兩用瓦盛瓦上火煉一日

人骨

火煉者

老松皮

龍骨

各等

分

右為細末傳之妙

麒麟竭散

出聖惠方

治金瘡定痛止血滅癰

麒麟竭

別研

突厥白

別研各二兩

蜜陀僧

別研如麩一兩

石灰

以小

便一斗浸三五日後飛  
淘極細暴乾秤一斤

右合研令細但是金刃所傷厚以散傳之以帛封裹  
勿令著風及露水三日後開不見癰痕一方加小鷹

糞二兩

治金瘡兼治一切打損方

出聖惠方



乳香

二兩 羊腎脂 一兩 蠟 二兩 油 半斤

右以油和煎藥如膏綿濾過置不津器中旋取塗於

瘡上神驗

生肌膏

出聖惠方

治金瘡灸瘡火燒瘡等

檳榔

一枚

薰陸香

半兩

杏仁

二十七枚

去皮研如膏

右為細末以煉了猪脂二合黃蠟如胡桃仁大入杏

仁膏同煎令膏成以瓷盒盛每用攤於帛上貼之

檳榔散

出危氏方

治長肉止痛生肌

檳榔 黃連 木香

各等分

右為細末傳貼瘡上神驗一方無木香

金瘡生肌散

出十便良方

甘草

一斤炙

黃蘗

八兩

當歸

四兩

右搗末以封瘡上日再

禁聲飲子

出危氏方

治棒杖刀斧傷疼痛不可忍者

防風

去蘆

南星

湯洗

右剉散每服三大錢水酒各半盞生薑搥碎同煎通

口服甚者不過三服立効

灰韭散

止血收瘡口

方見金瘡  
血不止類

牡蠣散

出聖  
惠方

治金瘡止痛

牡蠣

二分  
熬

石膏

一分

右下篩以粉瘡痛即止或用煉了猪脂調傳亦妙

松皮散

出危  
氏方

治金刃箭鏃傳瘡口兼能生肉

老龍皮

二分  
末

生石灰

二停礬者用瓦盛上用瓦蓋  
炭火四畔上下煉一夜冷取

細研

右為末傳之止血收瘡口立効

治金瘡苦痛

出千金方

用楊木白皮熬令燥為末以溫酒服方寸匕日三又

以傳瘡上愈

治金瘡及刺瘡痛不可忍者

出千金方

用葱一把以水三升煮數沸取漬洗之能止痛

治金瘡止血生肉方

出聖惠方

用青木綿布燒灰乾搗患處如舊者洗淨燒灰妙

生肌歛瘡方

用白附子為細末急貼傷破處

治金瘡并歛瘡口

出仁  
存方

用千年石灰不拘多少為末炒煙出用油紙撚點燒攪白放冷研細末任意用之或以新石灰為末傳之亦得

劉寄奴散

出危  
氏方

治歛金瘡口止疼痛

取劉寄奴一味為末摻患處一方治湯火瘡以劉寄

奴為末先以糯米漿雞翎掃傷處後摻藥末在上並不痛亦無痕大凡湯著急用炙鹽末摻之爛肉上面然後藥傳之 朱氏集驗方云宋高祖劉裕微時伐狄見大蛇長數丈射之傷明日復至聞有杵臼聲往視之見青衣童子數人於榛中搗藥問其故荅曰我王為劉寄奴所射合藥傳之帝曰侮神何不死荅曰寄奴王者不死不可殺帝叱之皆散收藥而反每遇金瘡傳之良驗寄奴高祖小字也

治金瘡生肌破血補損

出聖  
惠方

用紫葛二兩細剉以順流水三大盞煎取一盞半去  
滓食前分溫三服酒煎亦妙

療金瘡生肌肉

生搗薤白以火封之更以火烘炙令熱氣徹瘡中乾  
則易之白色者好亦治金瘡中水腫痛

止血收瘡口方

出聖  
惠方

用雞內金焙為末傅之立止

治金瘡止痛

出聖惠方

用馬蹄燒灰三指撮以酒和服之或用燒酒亦得

治刀鐮斧所傷經年不可者

用皂角一挺水浸打碎春五夏三秋七冬十用文武

火熬膏貼

又方

用甘遂三四月採一担以水大鍋熬一桶半熬半碗

用磁器盛放膏藥旋攤



治釘鐵搗傷手足腫痛不可忍

用合葷細嚼傳於傷處一日三次換貼即愈

金瘡藥草靈散

出家藏  
經驗方

韭菜 刺薊草 試劍草

右於五月五日各取一斤不用根洗擇淨同搗爛如  
泥次入絹篩石灰不拘多少再搗令十分勻捏作餅  
子以瓦盆盛貯安置淨室中至六月六日曬令極乾  
收如常用之兒婦之兄李中父曉藥性云刀瘡藥無

出於此

治葛蛇啣膏

出聖惠方

治金瘡生肌

蛇啣

薔薇根

續斷

治葛

各二兩

當歸

附子

各一兩

半去皮

防風

黃芩

澤蘭

各一兩

松脂

栢脂

各三兩

兩

右咬咀以猪脂三斤煎之別以白芷一枚內中候色黃即成膏去滓濾密器收之以塗瘡無問大小皆瘥不生膿汁也一方用羊腎脰脂不用栢脂

生地黄散

出朱氏  
集驗方

生地黄 川芎 赤芍藥 生藕節 當歸 芸

臺子 川芒硝 荊芥 馬齒莧

各一兩  
陰乾

右為細末和勻酒煎蘇木取酒調藥二大錢無時候  
服如血不甚發熱減芒硝加桃仁荷葉乾

桃花散貼法

出朱氏  
集驗方

乾地黄

生 桃木

取白皮

劉寄奴

葉 枯桐皮

取白皮

生薑

左纏藤葉 國丹

各等分

右為細末和勻用生餅酒調塗損處如因損而成風則加服風損藥

天蛾散

外臺秘要

治刀斧傷止血定痛生肌

用晚蠶蛾不以多少為細末每服用藥貼於瘡上用綿裹不須再動一上便可亦治一切金瘡

治金瘡生肌止血

出本草

以鎗墨研塗瘡側面慎勿塗令墨入肉成印

治金瘡止痛斷血生肉

出本草

用猪膏每搗封之

治金瘡止血生肌

出本  
草

取五月五日採露草取之一百種陰乾燒作灰并華水和石灰為團燒令白刮傳瘡上

治金瘡止血生肉令瘡黑

出本  
草

以燈花末傳之

治金瘡折傷內損生肌肉

出本  
草

以無名異以醋磨塗傳所苦處

治金瘡止痛止血生肌

出本  
草

取桑柴灰研傳瘡上佳

治金瘡止血生肌合膚

出本  
草

用墨以醋磨傳之

治金瘡止血長肉

出本  
草

以漏蘆搗傳之

治金瘡大止血生肉止疼痛

出本  
草

以青蒿生按傳瘡良也

治金瘡長肉

出本草

用鉛丹傳之

治金瘡疥癬生肌止血

出本草

以枳櫚木皮燒灰傳之

治金瘡止血長肌

出本草

取金瘡小草葉按碎傳之又預加石灰杵為丸日乾

臨時括傳

治金瘡

出本草

取火槽頭炭刮取傳之瘡上止血生肉

定血散 治刀斧傷止血定痛生肌

蜜陀僧

半斤

烏賊魚骨

白礬灰

龍骨

各二兩

桑白皮

一斤黃丹

一兩

右為細末每用乾摻定血如神

白芷膏

出聖惠方

治金瘡止血生肌

白芷 熟乾地黃

焙一作生者

當歸

切焙各一兩半

白斂

一兩芍

窮

一兩一分

蜀椒

去目并開口炒去汗二合

附子

炮製去皮臍三分

甘草

各半



兩

右細剉以豬脂五斤合和煎三上三下藥成膏去滓  
輒輒得所每日塗瘡上頻塗即効一方無芎藭

治金瘡止血生肌

用琥珀和大黃鼈甲為末酒下方寸匕能下惡血婦  
人腹內血盡即止

石灰膏

一名杏仁方  
出聖濟總錄

治金瘡止血定痛生肌

方見本  
門金刀

類所傷

治金瘡生肌破血補損

用琥珀研為細末傳之

又方

用石蠶摩傳之

普濟方卷三百三

欽定四庫全書

普濟方卷三百四

明 周王朱橚 撰

刺瘡門

竹木鍼刺

附論

夫竹木刺所傷若為患淺然入人肌肉久不得出則損動榮衛而作瘡或中風水則腫痛成膿淹留歲月未易治也刺傷之初宜速去之加以塗傅無致風水之孽

方

綠礬散

出危氏方

治竹草刺瘡發腫作疼傷時不曾出血

盡被毒氣壅住痛不止夜卧不安初破時其瘡紫赤

黑色復時起三五重皮是也

綠礬

半兩小便燒熱放礬於內候冷取出日乾

丹參

二錢半

馬兜鈴根

一錢

半麝香

一字

右為末漿水洗淨瘡口上敷貼立效

治被刺入肉或是針棘竹木等多日不出疼痛方

出聖惠方

人參

一兩去蘆頭

龍葵根

一把淨洗取皮

醋

少許

臘月猪脂

一兩

右和令勻每用時取少許傳瘡上其刺自出

治手足卒中刺中水毒方

出千金方

韭 藍青

右搗置瘡上以火炙熱徹即愈

蒜豆膏

出聖濟總錄

治竹木針刺入肉不出惡瘡

大蒜

一顆

巴豆

七枚  
去皮

右同研成膏傳之日一易

皂莢灰

出聖濟總錄

治竹木刺作膿貼

皂莢一膽礬分

右燒作灰細研乾貼之

治竹木刺在皮中不出者出千金方

以薔薇灰水服方寸匕日三服十日刺出溫酒調下  
亦得

又方出千金方

以鑿柄燒灰酒服二寸

又方出千金方

以頭垢塗之即出

治刺在肉中不出方

出千  
金方

用牛膝根莖生者併搗以傅之即出瘡已合猶出也  
一方嚼牛膝根菴之即出或為末水調服亦得

又方

出千  
金方

用白茅根燒末以膏和之亦治瘡因風致腫者一方  
搗白茅根傳之

又方

出千  
金方

用鹿角燒末以水和塗之立出久者不過一夕一方  
用鹿腦厚傳之燥復易之即出

又方

出聖  
惠方

用嚼白梅塗之其刺自出一方用烏梅

又方

出聖  
惠方

嚼豉不以多少塗之良若治狐尿刺人者當看豉中  
有毛為度如無再傳之

又方

出千  
金方



用溫小便漬之妨入水大妙

治諸竹木刺在肉者

外科  
精要

以蟻螬蟲研傳之立出

治骨刺入肉不出者

出仁  
存方

用茱萸細嚼傳之骨當爛出

治竹簽在脚腿或四肢皮膚內無緣可出

一名白櫨酒  
出百一選方

用白櫨樹根槌碎細研酒浸平服滓罨患處即出神

妙

治竹木針刺入肉及雜物鐵骨者

以象牙屑水研傳之立出瘡即愈有人手中指為竹刺痛甚傳之愈一方以鼠腦和傳之

又方

出百一選方

用烏牛糞爛搗水和罌傷處厚傳之佳 曾有一庄僕脚上中刺不得出痛苦欲死以此藥黃昏敷上痛尤甚至四更其刺出遂安一方用猪脂和傳日三五上若不出重塗乃言不覺刺出時一云用乾羊屎末

獨栗膏 治竹木刺及針刺入內

方見惡刺

又方

用真白魚鰾貼傷處然後以鰾膠燒存性反用酒調服

治竹木刺不出者

爛研草麻以絹帛襯傷處然後傳藥時時看覷若覺刺出即拔之恐藥太緊并好肉努出也一云不用絹襯出即拭之

治針入肉不出

用螻蛄腦搥爛塗上即出一方以螻蛄加鹽打爛塗患立出

又方

用硫黃研細調貼以紙花貼定覺痒其針即出

又方

用雙杏仁搥爛以車脂調勻貼在針瘡上即出

治竹木刺不出

用九里光覆上莫不即出

治竹刺簽脚不出方

用苦薏菜搗細盪傳腫立消毒自散刺即出

治菱角傷方

右以生薑自然汁飲之絕妙

取入肉刺

用針挑傷處真桐油少許滴其上其刺突出鑷拔之  
王不留行散 治竹木刺久在肉中不出

用王不留行五兩搗羅為散每服一錢匕溫酒調下  
空腹日午夜卧各一服兼取根為末貼之或水服之  
亦得

藿麥散 治竹木刺不出

用藿麥五兩搗羅為散每服一錢匕溫酒調下空腹  
日午夜卧各一服或水煮亦得

梔子套方 治簽刺在爪甲中痛不可出

用梔子殼半箇填車脂滿殼中套在指上如痛處稍

痒刺自然出以鑷子取之甜指亦依此法

牛蒡葉散 治一切金木竹所傷

用牛蒡葉惡實葉六七月收者風乾為散每用量瘡口大小乾摻貼之不得犯別藥如經暑月蠅蟲下蛆在瘡上或因肌肉生合有成竅子者即用杏仁研成膏手撚作條子入在竅內其蛆蟲自出

治鐵棘竹木諸刺在肉中不出及治針折入肉中

出肘後方

以鼠腦搗如膏厚塗則出

治竹木刺入肉

用蠟螭生研罾之

糯米膏 治竹木簽刺及金瘡水毒

方見金瘡門  
金刃所傷類

治八月九月中刺手足犯惡露腫多殺人

以桑枝三條內煆灰中炮令極熱破斷以頭柱瘡口

上令熱盡即易之盡二條則瘡自爛仍取韭白傅瘡

上以布帛急裹之若有腫者更作用薤白佳

治刺傷中風疼腫

出本草



鯉魚目為灰研傳患處汗出即愈諸魚目皆可鯉魚目  
尤佳

治竹木等物傷者

用五爪龍搗細傳之即愈

松脂方 療刺入肉疼悶百理不瘥

用松脂流出如細乳香傳瘡上以帛裹三五日當有  
根出不痛不痒不覺自落甚良

治針入肉方

刮指甲末同酸棗仁搗爛唾調塗上次日定出一方  
單用酸棗核燒為末服之

治竹木刺在肉方

取柳樹上木耳煎湯漸漸服之其刺自出

又方

用槐白皮煮湯漬之愈

又方

以醋二斤置於大口餅中取熟塘灰一升投之以刺

處就餅口薰之勿令著醋即以衣擁餅口勿使氣泄  
又方

用葱白和鹽搗傳之便出

又方

右爛嚼栗子黃傳之自出極効

治木刺入肉中不出痛

出本草

取乾羊屎燒灰和猪脂調塗不覺自出

治竹木刺

以鐵花粉傅之

治竹木入肉經久不出者

取鱖魚白傅瘡四邊肉爛即出刺

一名鰯  
生南海

惡刺

附狐尿刺  
附論

夫惡刺蓋蛇虺毒氣經由草木水澤間有人染者忽似  
刺割俄腫痛其肉潰爛若手足上着致指節墮落土人  
諳歷既多初覺刺時艾炙數壯十愈七八炙弗愈者宜  
速以藥傅之 夫狐尿刺者云是野狐尿棘刺頭上人犯

之則中多於人手指足指腫焮熱有端居不出而着此毒者則不必是狐尿刺也蓋惡毒氣爾故方亦云惡刺毒也

方

龍葵膏

出聖惠方

治惡刺

龍葵根

莨菪子

胡荽子

鼠糞

杏仁

湯浸去皮

尖雙仁

豉

各半兩

獨顆蒜

半兩

胡鷲窠

半兩

麩炒

右用漿水飯相和爛搗醋調封之每日一換經五七次差

治狐尿刺多時不差方

出聖惠方

石鼠

一枚

白鯁

羊糞

菰蔞根

各半兩

右搗如膏封裏瘡上一伏時其刺自出

治惡刺方

出聖惠方

狐骨灰

一分

生蜜

少許

胡葱

少許

右同研之以醋麪紙封三日其刺自出矣

葱蒲膏

出聖惠方

治惡刺

以葱白一握蒲公草五兩豉一合搗爛將醋麪紙封貼即出

治惡刺方

出千金方

李葉 棗葉

右搗絞取汁點上即効

野狐膏

出聖惠方

治惡刺

用雄野狐脣爛搗和鹽封之

蒼耳洗方

出聖惠方

治惡刺

用蒼耳搗汁洗之

木蟲塗方

出聖惠方

治惡刺

取木中蟲和醋研封之

無心草塗方

出聖惠方

治惡刺

用無心草根爛搗醋和封之

蔓菁牛乳傳方

出聖惠方

治惡刺

以五月五日收蔓菁子旋搗末以烏牛乳和調傳之  
人乳亦得

黑豆汁漬方

出聖惠方

治惡刺

以濃煮黑豆汁漬之

燕麥傳方

出聖惠方

治惡刺



搗燕麥二三兩傳之

治惡刺方

出千  
金方

以苦瓠開口內小兒尿煮兩三沸浸病上

又方

出聖  
惠方

以葭蓉根水煮浸之冷復易之

治惡刺并狐尿刺方

出千  
金方

以烏𪔐驢尿漬之

又方

出千  
金方

以熱蠟內瘡中新瘡亦善又以烟薰之令汁出即便愈

又方

右鳧公英草摘取根韭白汁塗之惟多塗為佳以瘡為止 孫思邈云余以貞觀五年七月十五日夜左手手中指背觸着庭樹至曉遂患病不可忍經十日痛日深瘡日高大色如熟小豆色嘗聞長者論有此方試復為之手下愈痛即除瘡即瘥不過十日尋得平

復此大神効故疏之蜀人名耳癩菜關中名苟乳奴

苟切一方用蒲公英

治惡刺

出聖惠方

取黑駝馬尿熱浸當有蟲出為驗一方用黑馬尿熱  
漬當愈數洗之一方用溫白馬尿漬之

又方

出聖惠方

取狐屎燒灰臘月猪膏和封孔立愈

治蛇骨刺人毒痛

以鐵精粉如大豆以管吹瘡內

治烏雄雞刺在肉中不出者及治竹木針刺

用烏雞尾二七莖燒作灰以乳男子奶汁和封瘡刺

當出

桂蠟丸

出聖濟  
總錄

治惡刺入肉

用桂去粗皮搗為末鎔黃蠟丸看瘡大小置瘡內濕  
紙三五重搭蓋以火燂候藥丸鎔入肉其刺自出如  
無刺所傷者尤見愈速

獨栗膏

出聖濟  
總錄

治惡刺塗方

用獨顆栗不拘多少爛嚼塗之裏以帛若有刺自出

又方

取未煮餅油紙以麵和油調須臾着瘡上即愈

治惡刺

出聖  
惠方

以砒霜細研和膠清塗之

又方

出聖  
惠方

用樗根白皮剉一斤米泔煮三二十沸放溫淋孔中

良

治狐尿刺人日夜燥痛不識睡卧方

用蒲公草葉根搗絞取白汁頻塗之瘡

又方

用杏仁細研煮一兩沸乘熱以侵螫處數數易之

治狐尿刺人疼痛不可忍方

用生蒜薹根香豉等分擣作餅傅上乾即易之

治狐尿刺多時不出者

取牛蒡根及薤根搗傳之其刺自出

又方

取蛇脫皮貼之自出

治惡刺

用礪砂和膠清消貼其上即拔出刺

治狐尿棘刺人腫痛欲死

用打破雞子傳之瘡

治狐尿瘡

以蓼葉搗傳之

玳瑁散 治狐尿瘡

用麴末和獨頭蒜杵如玳瑁簪頭內瘡孔中蟲出愈  
治狐刺

用土中饒磁片上色細白向陽日色所照者不以多  
少背陰者不可使不用底足揩去土不須洗以黃泥  
作一窩子盛磁片在內復以黃泥固濟成團於竈內  
以木柴燒令通紅只須於飯鍋下燒候飯熟已通紅



矣取出放淨地上候冷打開去泥將磁片刮令極淨  
搗或研為細末然後入乳鉢研如粉無聲乃止每用  
一少許摻瘡上即愈 凡狐刺多因手足間被物簽  
觸損因而成瘡痛不可忍甚至於墮指仍有二種雄  
狐刺只一箇瘡頭母狐刺七箇瘡頭逐旋發出其瘡  
頭內黃水出不止向日視之瘡頭及四邊若有絲網  
其上瘡內亦如亂絲痛楚手不可近如其間有刺者  
是也用藥時先口含溫鹽湯洗瘡以軟帛裹乾挑藥

在瘡口即安其餘瘡不須貼也滁州李直學嘗施此藥所治已千百人矣研時須用饒鉢若使石槌鉢即反被藥研下石末不可傳貼也

治狐刺

用爐中炭灰乾菴在腫處上赤以好米醋澆之二物多用不妨無力即易之赤退腫散立可見効

肘後療狐尿棘刺人腫痛欲死方

用熟桑柴灰汁漬之冷復易永瘥

集驗狐尿刺方

用熟魚汁灌瘡中

治患惡刺

取鷺窩末以醋和如泥裹之三兩日易便瘥

治惡刺瘡及浸淫瘡達身至心者死

以胡鷺窠中草燒為灰傳之

治狐刺瘡

用蟻穴中出土取七枚如粒和醋搽之

治狐尿刺瘡

取露蜂房煮湯洗之

治狐刺毒腫

用狐爪根搗傳

治剝馬被骨刺破中毒欲死

取剝馬腹中糞及馬尿洗以糞傳之大驗絞糞汁飲之効

治狐刺瘡

以麻鞋網繩如棗大婦人內衣有血者手大釣頭棘  
針二七枚二物並燒作灰以猪脂調傳瘡上出蟲

普濟方卷三百四

欽定四庫全書卷

普濟方卷三百五

明 周王朱橚 撰

杖瘡門

總論

論曰凡杖瘡入水則兩脇外臑作瘡年深未差膿汁常有涓涓不乾之狀蓋由中焦有綠水之注故也且人被杖之時感驚氣入腹驚則膽傷足少陽經也兼兩外臑皆少陽之部此膽中甲木受邪甲木色青當有綠水少

陽在中焦如漚既伏驚涎在中焦飲冷水咽為驚涎所阻水隨經而旁入瘡中故飲水則瘡中水出乃上湧寒痰汗如水流若緣水下盡而痂自乾證亦無患矣昔一男子被杖瘡痛焮發毒氣入裏驚涎堵塞牙禁不開粥藥不下前後月餘百治無功遂以三聖散吐青蒼驚涎次以利膈丸百粒下臭惡燥糞復煎通聖散數錢熱服之又以酸辣蔥醋湯發其汗吐交出其人自活

杖瘡



方

乳香膏

出危氏方

治老金瘡杖瘡神效

乳香

沒藥

各七錢

白芷

當歸

羌活

獨活

川牛膝

五錢

川芎

自然銅

七錢

石膏

劉寄奴

黑

牽牛

熟地黃

赤芍藥

黃丹

紫金皮

各五錢

黃蠟

一兩

右為末用清油四兩煎沸即入藥同煎留膠香黃蠟黃丹末入用柳枝不住手攪試將欲成膏却去三味

更試成膏生布濾淨用瓦器盛水傾在水中用單攤開貼傳瘡口孔深者撚成膏條穿入孔中不問淺深放瘡上作熱加輕粉梅花腦子朴硝入膏內貼之濕摻藥

沒藥

錢三

乳香

錢三

輕粉

蜜陀僧

自然銅

血竭

各一

錢

黃蠟

錢四

磁片末

少許十分細

藥油

少許膏藥少許

右先以藥油膏藥於鉢內熬次入黃蠟令化諸藥不住手攪勻然後傾在瓦盞內如杖瘡有孔者用滾湯

潑開候溫傾少許加於瘡孔內仍以膏藥貼之

### 洗藥

天南星 草烏 大黃 貝母 荊芥 劉寄奴

川椒 降真纏 野紫蘓

右不以多少用水半小桶煎滾熟去粗傾於桶內入炒鹽煨葱布帛蘸湯淋洗瘡靨上候瘡微痒然後徐徐揭靨以湯淋洗

### 治杖瘡

腦子

重五分

麝香

重五分

龍骨

胭脂

蜜陀僧

輕

粉

熟寒水石

乳香

沒藥

各一錢  
為末

右為細末乾摻瘡上週圍用生麵糊圍定次用緋紅

絹帛貼之

乳香散

出儒門  
事親

治貼杖瘡腫痛

大黃

黃連

黃蘗

黃芩

已上各  
三錢

乳香

另研

沒藥

另研已上  
各一錢

腦子

許

右為末後入三味冷水調勻攤於緋絹上貼杖瘡上

杖丹

大黃 黃連 黃芩 梔子 白芷 芒硝 南

星

各等分

右先將油紙用皂莢湯煎去油水洗淨却用藥剉碎布汁中煮三二次除乾入白芨末摻煮依舊撈起陰乾若數時用水浸濕貼於杖瘡上

神讓散

亦名鬼代丹  
出德生堂方

治打着不痛

地龍

二兩

蜜陀僧

三兩

無名異

三兩

自然銅

火煨  
三兩

木耳

一兩

乳香 沒藥

各半兩

右為細末臨受杖時先用熱酒調服不然驚氣奔心  
惡血入腹若杖瘡少差以藥油調此藥傅之用膏藥  
貼之一方無木耳蜜陀僧用木鱉子蜜為丸彈子大  
每服一丸葱湯送下溫酒亦可

杖瘡有血

一名如聖散方見金瘡門  
金刃所傷類七味如聖散

杖瘡藥

真綠豆粉 槐樹皮

一兩 四兩

右同入鍋內文武火炒令黃色去槐枝加乳香少許  
為末用井花水調立刻不疼痛

五黃散

一名乳香膏出濟生拔毒方

治杖瘡定痛拔毒消腫

黃丹

黃連

黃芩

黃蘗

大黃

乳香

各等分

右為細末新水調成膏用緋絹帛上攤貼一方無乳香

治杖瘡方

血竭

輕粉

乾臙脂

蜜陀僧

乳香

沒藥

右各等分為末冷水洗淨拭乾猪脂調搽扯碎紅紙貼自愈

龍腦潤肌散

出宣明論

治杖瘡熱毒疼痛

黃丹

一兩

蜜陀僧

半兩

麝香

半兩

輕粉

一錢半

龍腦

一字

右為細末摻藥在瘡上用青帛子塗之內留一孔

治杖瘡神效方

一名乳香散  
出濟生拔萃

乳香

沒藥

各三錢

茴香

四錢

自然銅

火燒醋  
蘸七遍

當歸

各半

兩



右為細末每服五錢溫酒調下

治金瘡及棒瘡

風化石灰

入黃丹狗血研細作餅子掛當風令待乾

血竭

乳香

龍

骨沒藥

炒

右為細末傳傷處立愈加赤石脂尤良一方有葱無石灰

治棒瘡方

黃連 黃栢 白欵 白芨 五靈脂

右等分爲末井水調塗綿貼不用洗一服便好

沒藥散 治杖瘡止瘡痛令瘡不移

蜜陀僧

沒藥

乳香

各一兩

乾臙脂

一兩

膩粉

半兩

右爲細末次入龍腦少許若多更妙燒葱與羊骨髓生用同研如泥攤在緋帛上貼之

靈異膏

治杖瘡金瘡癰撲皮破湯火所傷久年惡瘡

川鬱金

三兩

生地黄

二兩

粉草

一兩

臘月猪板脂

一斤

右剉如豆粒大入脂內煎黑焦色濾去藥渣入明淨

黃蠟四兩熬化逐旋入攪勻用磁器盛貯水浸之久  
去水收之每用時先以冷水洗瘡挹乾却敷藥在瘡  
上外用白紙貼之止血定疼且無癰痕湯炮火燒不  
須水洗治陳瘡尤妙

沒藥散

出濟生拔辛

治杖瘡

乾臙脂

乳香

沒藥

輕粉

各等分

右同研極細漆洗了摻瘡上

圍藥

治若四下腫脹不破用於四下不破處圍定消腫

定疼痛

無名異

一錢半炒

木耳

去土一錢半炒

大黃

一錢半炒

右研極細用蜜并藥油調圍腫處

治杖瘡及諸般腫毒

白芨 黃連 黃丹

右為末入磁碗內用新水攪打候藥澄結去水以黑

傘紙攤膏藥貼上其冷如水神效

治杖瘡

出千金方

石灰

七斤新猪血一升

右和為丸熟燒之破更丸燒三遍止為末傳上

治杖瘡方

木耳 生芝蔴

右搗碎圍於杖瘡上其出血小毒甚妙

治杖瘡

出千金方

用金臍下土為細末以油和塗訖卧羊皮上瘡

又方

出千金方

服小便甚良

治杖瘡不作癰止痛

出本草

用黍米燒為灰和油塗之

治杖瘡

出本草

以爵牀汁塗患處立瘥俗名赤根老母草

治杖瘡并打損瘡中風疼痛者

出本草

炒馬驢濕糞分取半替換熱熨之冷即易之日五十

遍極効

治杖瘡方

用冬青樹葉搗汁取乳鷄毛刷數次即効

又方

用平胃散嚼帶殼銀杏用蜜調傳之

鬼代丹 療人打着不痛甚妙

用地龍去土炒為細末每服三錢溫酒調下後食黃蠟為丸如桐子大每服三十丸細嚼溫酒一盞生葱三五莖臨決時用之

神效杖瘡惡瘡膏

出永類  
鈐方

黃丹

二兩  
水飛

清油

六兩

白膠香

四兩

淨黃連

半兩

檳榔

六箇

杏

仁

一十箇  
生用

如作膏法一方加桃仁乳香沒藥有損加白膠香

治棒瘡

出永類  
鈐方

用連鬚葱煨熟擦甚妙

杖瘡不問輕重先逐寒邪方治瘡口切不可與酒則寒邪不散生他證不能便愈者老弱先服香蘇散元有



熱服敗毒散三四服然後服十宣散除杖瘡上用水  
調膏用萊豆粉清油白水各半調塗住痛用一黑散赤  
龍鱗煨存性採即古松皮退腫用一黃散鬱金四錢  
赤石脂三錢白芷二錢天花粉三兩腫甚加荊芥一  
云紅內消如不用白芷加獨活並用搽調貼瘡口外  
留口其他瘡如無膿熱酒調貼如有膿薑汁三分茶  
清七分調杖瘡用乳香煎油調傳瘡口內外皆有用仍  
加善應等膏藥貼肉潰爛用生肉藥摻或腫不消用

破血藥外以針刺去瘀血用一黃散傳貼一黃散逐時調下早調下則不驗如臭洗藥中加藿香或杖後被人施毒藥急燒百沸湯候溫以芒掃梗五六寸二百莖乾淨一橫一直磊病臀上用二人於病腿上壓出瘀血扛出於熟冷水中淨洗至無血為度忌毒食行房不淨席卧登廁薰觸或有杖後苦痛只加乳沒

二藥

出永類  
鈴方

治杖瘡

出本  
草

以七仙草搗枝葉傳之

治杖瘡

草 出本

取牛蒡葉貼之永不畏風不膿亦搗傳之

治杖瘡


草 出本

取古廁木燒煙於瘡上熏之冷風不入

治杖瘡

草 出本

用馬齒莧搗傳之



普濟方卷三百五